

جریدہ علیہ

مستقیمت جلدہ اسلامیکہ جریدہ رسمہ سید

جمادی الآخرۃ سنہ ۱۳۳۹

عدد ۶۶

شمذیلک آیدہ بر نشر اولنور

آلتعجی منہ

شفعه

یری مقاطعه‌لی وقف و بناسی ملک اولان منزله زیدو عمرو اشتراك اوزره متصرفلر
ایکن زید حصه‌سی بکره بیع و تسلیم ایلسه حالا عمرو اتحاد شفعه ایدوب اول حصه‌ی
شفعه ایله بکردن آلمغه قادر اولورمی الجواب اولماز .

* *

عزل وصی

زید متوفانک اولاد صغارینک وصی منصوبی اولان عمروی لمصاحه قاضی وصایتدن
عزله قادر اولورمی الجواب اولور .

کتابه الفقیر طرسوسی زاده
محمدنوری مدنی
عفی عنها

اجوبه شرعیه

ارث

ضیاءالدین امضالی ۱۷ مایس ۳۳۶ تاریخنده فتواخانه‌یه بالورود ، ورثه کبار ملک
و اجارتین و مقاطعه‌لی وقف اولان املاک و اراضیده کی حصه شایعه‌لرینی صغیرک مالندن
اولنجیه قدر کوروب کوزتمک شرطیه و صیسنه صغیر ایچون فراغ ایدوب برمدت
مرورندنصکره ورثه منبروره فراغ واقعدن نادم اولوب حصه‌لرینی استردادده قادر اولوب
اولمیه جققرینه دأر واقع اولان استفتایه جوابدر :
§ ورثه منبرورون حصه‌لرینی استردادده قادر اولورلر .

* *

طلاق

رشدی امضالی ۳ تشرین ثانی ۳۳۶ تاریخنده فتواخانه‌یه بالورود ، زید ناموسه متعلق
براسناد سبیلله اوغلم عمرو کوزیمه کوریمسون کورینورسه قتل ایدرم قتل ایتمزسه مزوجه‌لم
بوش اولسون دیدکدنصکره اسناد مذکورک غیر واقع اولدینی تظاهر ایتمش وزیدده
عمرویی کوردیکنده قتل ایتماش اولسه زیدک زوجهلری بوش اولوب اولمیه جغنه دأر
واقع اولان استفتایه جوابدر :

§ مآله نظراً زید مزبور اوغلی عمروی کوردیکی آنده قتل ایده جگنی مراد اشمیسه
زوجه لری زمان یأسده بوش اولورلر .

* *

حضانه

رجب امضالی ۱۶ تشرین ثانی ۳۳۶ تاریخنده فتواخانهیه بالورود ، هند رضیه اولمیان
بش یاشنده قیزی صغیره ایچون زوج مطلق زیددن قدر کفایه نفقه مقدره یی آلمقده
ایکن بحق الحضانه اجرت حضانه نامیه آروجه برشیئی اخذ وطلبه قادره اولوب اولمیه جغنه
دائر واقع اولان استفتایه جوابدر :

§ مآله نظر آهند مزبوره حق حضانه نامیه زید موسردن اجرت طلب ایده بیلور .

* *

وقف

محمود خلوصی امضالی ۲۱ صفر ۳۳۹ تاریخنده فتواخانهیه بالورود ، بر موجب شرط
واقف مولد شریف قرائی ایچون مخصص ایکیوز الی غروشک حسب الزمان کافی
کما سی وغله نك ايسه مساعد بولنسی حسبیله مبلغ مذکورک ایکی بیک غروشه ابلاغی
جائر اولوب اولمیه جغنه دائر واقع اولان استفتایه جوابدر :

§ حادثهده واقف مومی الیهک زماننده تداول ایدن غروشلرک امثالک یاخود الیوم
بین الناس متعارف اولان قیمت حقیقه سنک وظائف مذکوریه صرف اولنسی اقتضاسا
ایدر .



فتوا خانه عالی نك مقررات نقضیه سی

بروسه محکمه شرعیه سندن اعطا اولنان ۲۸ جمادی الاولی ۳۳۸ تاریخلی اعلامک اسباب نقضیه سی
اعلام مذکورده انحصار وراثت و وضع یدک بالبنیه المعدله ثبوتی و معجلات مذکورده نك
قیمت لری حقنده طرفینک افاده واقعه لری وجه لایقیه تدقیق ایدیله رک تبیین ایده جک حاله
کوره معامله ایفاسی مقتضی اولدینی کبی مدعیه مزبوره نك استظهاراً تحلیفنه تعرض اولنماش
ومدعی علیهما مزبور تانک اقرار لرینه بناءً مهرینک تماماً تحت حکمه آلمسنک ومذکور
قهوه خانه دن حصه ارثیه حقنده کی دعوا ی قائمه نك صلاحیت خارجنده بولنشی اولدیغندن